

ՊԱՆԴԻՏՈՒԹԻՒՆԸ ՄԵԶԱՆՈՒՄ

ԱՆՈՒՇ. ՔԱԼԱՆԹԱՐԻ

Վերջին տարիները թէ մտաւոր շրջանների և թէ մամուլի ուշադրութիւնը գրաւել է մեր տնտեսական հարցերից մէկը, որը ընդհանուր անուշով կոչուում է պանդխտութեան խնդիր:

Ինչպէս է կատարւում մեզանում պանդխտութիւնը, ինչ դրութեան մէջ է խնդիրը և ինչպէս են նախում մեզանում արդ խնդրի վերապ, արդ պիտի լինի մեր լօգաւծի նիւթը:

Պանդխտ մենք անուանում ենք այն մարդուն, որը, իւր ծննդավայրը թողած, գնում է ուրիշ տեղ, բայց որը վերադառնալու ցանկութիւն ունի:

Պանդխտ ասելով մեր լօգաւծում մենք հասկանալու ենք միայն այն տեսակներին, որոնք հեռացել են գիւղից և ապրում են նոյնպէս ֆիզիքական աշխատանքով, կամ առհասարակ՝ ոչ-մտաւոր աշխատանքով:

Խնդիրը լաւ պարզաբանելու համար, առաջ մի հախաքը զցենք նորա զարգացման պատմութեան վերապ:

Պանդխտութիւնը նոր խնդիր է և նորա մասին լիշատակութիւն չը կապ հին զրականութեան մէջ. նա մեր նոր կեանքի՝ տնտեսական կեանքի՝ ծնունդ է: Մեր Անդրկովկասի պանդխտութիւնը հետեանք է մեր տնտեսական կեանքի իւրատեսակ զարգացման, իսկ Տաճկաստանի և Պարսկաստանի պանդխտութիւնը հետեանք է տնտեսական կեանքի խանգարման: Մեղանում հողալին խնդիրները կնճռուուելով հասցրել են այն դրութեան, որ առանց պանդխտութեան ապրել չի լինիլ. իսկ Տաճկաստանում քաղաքական անլաշող պայմանները խոչընդոտ լինելով տնտեսական կեանքի զարգացման, քաղաքելով գիւղացու տնտեսութիւնը, ծնել են պանդխտութիւնը, որը կորստաբեր է ազգում աչտեղի ժողովրդի կեանքի վերապ: Այսպիսով Անդրկովկասի, Տաճկաստանի և Պարսկաստանի պանդխտութեան պատճառը մէկ է. տնտեսական է. բայց մեր երկրում (Վովկասում) նա հետեանք է տնտեսական կեանքի զարգացման. իսկ Տաճկաստանում և Պարսկաստանում հետեանք է գլխաւորապէս տնտեսական կեանքի կանոնաւոր ընթացքի խանգարման:

Մենք այս խոսակցութեամբ պիտի գլխաւորապէս խօսենք Անդրկովկասի պանդխտութեան մասին, իսկ Պարսկաստանի պանդխտութեան վերաջախնքան կանգ կ'առնենք, որքան նա կապ կամ աղագեցութիւն ունի մեր պանդխտներին խնդրի վերայ:

Պանդխտութեան մեծ կենտրոններ համարուում են մեր գիւղացիների համար՝ Բաղուն, Թիֆլիսը, Անդրկասպեան երկիրը, Նրևանը, Գանձակը, Բաթումը և այլ մեր նահանգական և գաւառական քաղաքները և կենտրոնները, իսկ զարադաշցի (Պարսկաստանի) հալ մշակների պանդխտելու կենտրոնը պիտի համարել Շուշին:

I

Խօթանանական թւականները՝ սկզբում և թէ նորանից էլ շատ առաջ, ինչպէս և հիմա, շատ նկատելի էր՝ աչն երևոյթը, որ մեր գաւառական փոքր քաղաքներից և գիւղերից, աշունը սկսւելուն պէս, երբ գիւղական ծանր աշխատանքը վերջացած էր լինում, մեծ քանակութեամբ մեր տանու արհեստաւորները ճանապարհուում էին դուրս իրանց տեղից, գէպի մեծ կենտրոնները, իրանց համար գործ գտնելու: Դոցա մէջ աչքի էին ընկնում գըլխաւորապէս հիւսնները, քարտաշները, կէկչիները, զինագործները և աչն: Բացի արհեստաւորները՝ քիչ քանակութեամբ գնում էին և աչնպիսի գիւղացիներ, որոնք պատահական, ընտանեկան և այլ մանր պատճառներից ստիպւած էին թողնելու մի առժամանակ գիւղը, մինչև որ մի փոքր միջոց գտնեն կրկին գիւղ վերադառնալու: Վերջին տեսակի պանդխտները պարապում էին և մշակութեամբ՝ գլխաւորապէս Թիֆլիսում, Նրևանում, Գանձակում և այլ՝ աչն ժամանակ չալտնի վաճառանոցներում: շատ քիչ քանակութեամբ և Բագու էին գնում: Բաղում գլխաւորապէս լինում էին պարսկաստանցի և բագուցի թուրք մշակներ, քանի որ աչն ժամանակ Բագում քրիստոնեաներ քիչ կ'ալին, իսկ մահմեդականները երբէք գործ չէին տալ կատարելու ոչ-մահմեդական մշակների, որոնք ալժամ կազմում են կովկասցի պանդխտների ամենամեծ կոնտինգենտը...

Մինչև 70-ական թւականները կիսապանդխտական շարժում կար Ղուբալի և Դերբենտի կողմերում, ուր տորոնի մշակութիւնը զրաւում էր բազմաթիւ մշակներ Դաղստանի լեռներից, Դաղստանցիների պանդխտութիւնը ալժամ կատարուում է այլ ուղղութեամբ, դէպի Անդրկասպեան երկիրը, ուստի անմիջապէս չի մտնում մեր տեսութեան մէջ...

Պանդխտական խնդիրը աւելի բաղադրեալ և հետաքրքրական է դառնում դործարանական շրջաններում, որոնցից ամենաուժեղն է Բագուն:

Խօթանասնական թւականների սկզբումն էր, որ Բագուէ նաֆթի արդիւնաբերութիւնը սկսեց ուշադրութիւն զրաւել: Բագուէ նաֆթի արդիւրութիւնը սկզբում աչնքան փոքր էր, որ մեր և օտար կապիտալիստները

զեռ ուշք չէին դարձնում նորա վերալ, բայց ահա 1874 թւականը ¹⁾ գուշակեց Բագուին մեծ ապագա և ալդ օրից սկսեցին Բագուում կենդրոնանալ գումարաւոր մարդիկ՝ դրամատէրեր. սկսեցին Նաֆթի հողեր առնել և Նաֆթ արդիւնահանել: Մի քանի տարւալ մէջ Բագուն ճանաչել չէր կարելի. սկսեցին գումարներ խաղալ, վաճառականութիւնը մեծացաւ և սկսեց աւելի և աւելի գրաւել թէ հարուստ դրամատէրերին, և թէ աշխատող, արդիւնաբերող ձեռքեր:—Ինչպէս ժամրով էր մեծանում... Նաֆթի արդիւնաբերութիւնը մեծացաւ և մեծ աշխատանքը ակներև էր, մշակող ձեռքեր էին հարկաւոր: Պատահական պահուկստ մշակները, աւելի օգուտ տեսնելով Նաֆթի մշակութեան գործից, քան քարահանարաններում գիշերապահութիւնից, սալապահութիւնից, բեռնակրութիւնից, վարձեցիկն ալդ գործին:

Գործի պահանջը աւելի մեծ էր, շատ էր, քան աշխատող ձեռքերը. պահանջը առաջարկութիւնից գերազանցում էր, հետևաբար բանւորի վարձը շատ բարձր էր: Արհեստաւորների մի մասը թողեց իւր գործը և մշակ վարձեց Նաֆթի հորերում և գործարաններում: Պարսկաստանի թուրք մշակների մի մասը, թէպէտ սկզբում շատ փոքր, վարձեց նոյնպէս Նաֆթի գործին: Սորանից մի քանի տարի առաջ՝ Բագուի թուրքը անպատաւեր կը համարէր Նաֆթագործարաններում և հորերում մշակութիւն անելը. գլխաւորապէս նա ասպարէզ ընտրել էր ծովի, Նաւերի վերալ աշխատանքը, բայց ալժմ նորա դրութեան վատնալը, գործարանի բանւորի բարձր գինը խլեցին նորան Նաւերից էլ, հողից էլ, գիւղից էլ և դարձին բանւոր այն գործին, որը առաջ նա ստոր էր համարում... Բայց աշխատող մարդկանց հարկաւորութիւնը, աշխատանքի պահանջը շատ մեծ էր: Մշակները իմաց էին տալիս իրանց համագիւղացիներին, բերել էին տալիս Բագու, իսկ ով իրան ուղղւած էր համարում, կարճ ժամանակից չետոյ վերադառնում էր գիւղ կլորիկ գումարով, սնդուկով, սամովարով, իւր կնոջ, մօր, քրոջ և ազգականների համար ներներով, և ալն... կարգի էր բերում իւր տնտեսութիւնը և ապահովում իւր կեանքը...

Այն երևաւ աշխատանքը, քաղաքից եկածների փախը, նորա «մարդ» դառած լինելը՝ շլացնում էին, Նախանձ էին գրգռում համագիւղացիների սրտում: Ամեն տուն աշխատում էր իւր որդուն, եղբօր, մարդուն ուղարկել շուտով Բագու՝ հարստանալու և «մարդ դառնալու» ²⁾...

Այս երևութը մինչև այսօր էլ շարունակւում է և նկատելի է, քանի որ ալժմ էլ պանդխտի օտարութեան մէջ արած աշխատանքը զեռ բարձր

¹⁾ Այդ թւականին յայտնեց առաջին Նաֆթի շաղթանքը—Մերդոյեանց—Նաֆթի թահուում:

²⁾ Տես Լէօն Պանդուխտը արտ. «Մշակալութիւն», հրատ. Արշ. Քալանթարի, Բագու 1886 և «Հայ գիւղացու ու օրը» Ս. Մ. Նահնգարեանցի, արտ. «Մուրճ» ամսագրից, Թիֆլիս 1890.

է, քան զիւղացու ստացածը, եթէ նա տանը մնար. բայց ալս մասին ներքեր մանրամասնաբար կը խօսենք...

Մենք տեսնում ենք ակդպրիսով, որ մեր պանդխտական կեանքի վարգտնալու հէնց օկդբի օրերից, մեծ դեր է խաղում քաղաքից եկածների արտաքին փալով շլանալը և քաղաքի ակներև աշխատանքը... Քաղաքը իւր աշխատանքով մրցում է գլխի հետ, մրցման շնորհիւ խլում է աշխատող ձեռքերը գիւղից. Մեծ արդիւնաբերութիւնը սկսում է ծածել և կլանել փոքրին և զրկում է գիւղական փոքր արդիւնաբերութիւնը ուժից և շուտ թէ ոչ պիտի բոլորովին չաղթի էլ, որովհետև ակդպէս է մեր տնտեսական կեանքի ընթացքը. Այդ ճանապարհով է ընթացել նա լեւորպալում և ակդպէս էլ կը գնալ մեղանում, քանի որ տնտեսական նոյն պալմանները անպատճառ պիտի արտադրեն նոյնատեսակ հետեանքներ...

Ով հետաքրքրւել է մեր երկրի պանդխտութեան խնդրով, նա նկատած կը լինի, որ պանդխտութիւնը գլխաւորապէս վերաբերում է հալիւղացուն, իսկ լետոյ վրացի և վերջ ի վերջոյ մեր երկրի թուրք ազգաբնակութեան:

Հալ գիւղերը պատմական-տնտեսական հանգամանքների շնորհիւ, համարեա, քիչ բացառութեամբ, լեռներումն են գտնուում: Շատ քիչ հալ գիւղեր կան, որ գտնոււմ լինեն դաշտ-տափարակում, իսկ ընդհակառակն՝ լեռնալին թուրք գիւղեր մեղանում ալեքան էլ շատ չեն: Շուշու և Ջաբրայիլ գաւառների գիւղական տնտեսական կեանքը ուսումնասիրող Ա. Գ. Դեկոնսկու ասելով՝ հալերը լեռնցիներ են. շնորհիւ չարձակումների և տափարակի անառողջ կլիմայի՝ հալերի լեռներում ապրելու սէրը ալեքան մեծ է, որ մինչև հիմալ ոչ մի գիւղ չի համաձայնում իւր ապրուստի ձևը փոխելու¹⁾. Թուրքերը նախկին տիրապետութեան ուժով բռնել են գաւառիս ամենալաւ տեղերը (տափարակի ջրովի հողերը), և պարապում են ալգեզորձութեամբ և թթենիների մշակութեամբ²⁾. Այդ գաւառների բնակիչների 96 տոկոսը պարապում են երկրագործութեամբ, իսկ հալերը բացառապէս երկրագործութեամբ³⁾. Նոյն կարծիքը մենք գտնում ենք միւս հետազոտութիւնների մէջ. Ջելինսկու ասելով, Ջանգեաղուր գաւառի հալ և Սիսեան մահալի թուրք ազգաբնակութիւնը բացառապէս պարապում է երկրագործութեամբ (հացահատիկ) և տաւարապահութեամբ⁴⁾ և ալլն:

Մեր գիւղացիների գլխաւորապէս երկրագործ և լեռնցի լինելը իմանալուց լետոյ, եթէ կանգ առնենք մեր երկրի տեղագրական և կլիմայական

¹⁾ Матеріалы для изученія экономическаго быта госуд. прест. Закавказ. кра и; томъ IV часть I, Шушинск. и Джебраилск. уѣз. изс. Л. Г. Деконскаго.

²⁾ Նոյն տեղը:

³⁾ Նոյն տեղը:

⁴⁾ Изс. С. Зелинского, томъ IV, ч. I Зангезурскаго уѣзда.

պայմանների վերալ, կը համաձայնեանք, որ մեր Անդրկովկասում կան ալե-պիսի տեղեր, ուր ձմեռալ ձիւնը գալուն պէս՝ ճանապարհները կապուում են և երկրի զանազան մասերը բոլորովին զրկուում են հաղորդակցու-թիւնից, ամենքը մտնում են իրանց տները և մինչ գարուն սպասում նո-րից եղանակի կակղանալուն, որ կարողանան նորից դուրս գալ. իսկ մե-զանում, ինչպէս լալտնի է, տանու-արհեստագիտութիւնը տեղ տեղ ամե-նեին չը կալ կամ իւր զարգացման ստոր աստիճանի վերան է, բացի մի քանի ճիւղերը՝ հիւսնութիւնը գլխաւորապէս: Մեր գիւ-ղացին ամբողջ ձմեռը պարապ է, շնորհիւ երկրի տեղագրական դիրքի և տանու-արհեստագիտութեան բացակալութեան, կամ քիչ տարածած և զար-գացած լինելուն: Մեր տանու արհեստագիտութիւնը գլխաւորապէս կա-նանց ձեռքին է. կանալքը զորանով պարապում են ձմեռը. Ամառը երբ կտնալքը լինում են ամառաճոցներում՝ միմիայն պատրաստութիւններ են տեսնում ձմեռալ աշխատանքի համար՝ թել են մանում, կաժ պատ-րաստում, նիւթ պատրաստում կարպետի, գորգի, շաւերի, մահուդի, կտա-ների համար և այլն. Ի հարկէ կանանց մասնակցութիւնը գիւղական գոր-ծերում զորանով չէ սահմանափակում. Ս. Զելինսկին վկայում է ¹⁾, որ Ալէքսանդրապոլի գաւառում համարեալ դաշտալին գործերի կէսը կա-տարում են գեղջկուհիները, որոնք տղամարդկանցից վատ չեն գործում, թէպէտ նոյնը չէք պատահիլ նրանեան նահանգի տաք կողմերի հալերի մօտ: Պատմում է և մի դէպք, ինչպէս մի գիւղում պատահել է կնկալ, տղամարդու չորերով, միւս տղամարդկանց հետ գործելիս... Նոյն Զելին-սկու ասելով ²⁾ կտաւ Սիսեանում տղամարդիկն են գործում, իսկ Զան-գեագուր գաւառի միացած տեղերում կանալքը, Տղամարդին ինչ է մնում անելու, բացի մի քանի մանր մունր արհեստները ³⁾, եւ կամ հանգստանում է, կազդուրում է իւր ամառալ ծանր աշխատանքից չետոյ և կամ եթէ նորա տնտեսութիւնը կաղում է, իսկ ինքը աւելորդ է ընտանիքի մէջ, չտապում է աշնանը՝ դաշտի աշխատանքը վերջացնելուց չետու՝ գնալ կամ

¹⁾ Матер. для изыч. экон. быта гос. крестьян тогж. I. вып. I. Александров. уезд. изд. С. П. Зелинского.

²⁾ Изв. Зелинского—IV т. I час.

³⁾ Մենք այստեղ կը դնենք Զանգեագուր գաւառի արհեստաւորների թիւը և կը տեսնենք, որ շատ քիչ քանակութիւն է կազմում. (Изв. Зелинского, IV т. I час.). Աշուղները—28, զուբնալի և գուլիլի—79, բրուտ—37, կոշկակար—14, քեչա և չուլ շինող—95, քարտաշ—134, սնդլի—24, ներկարար—28, դարբին, փականակագործ, պա-տաւ—91, անագլի—27, պղնձագործ—6, գինադործ—7, համառագործ—28, չիւսն—231, գերձակ—48, ոսկերէչ—11, սափրիչ—63, կտաւ գործող (աղ.)—131. Բացի այդ գիւ-ղացիք զանազան դաւառներում պարապում են ածուխ այրելով, աղիւտագործու-թեամբ, դաւնում են սալապան և ֆուրգուէլի, ծաղացալան, իզահան, ուղտապան, չարադար և այլն:

մի քանի տարով կամ մինչև զարուհը բացենք՝ մի որ և է կողմնակի գործով պարապելու քաղաքում կամ մի այլ տեղ։

Ալֆմ մի խնդրի է ծագում, ինչու հայր և թուրքը շատ անգամ ապրելով նույն պաշտաններում, հաւասար չափով չեն գնում պանդխտութեան, օրինակ զանգեաղուրցիք: Այդ կարելի է բացատրել նորանով, որ թուրքերի տնտեսական դրութեան վատանալը համեմատաբար ուշ է սկսել նկատուել: Հալը պատմական ժամանակից հալածւած է ճնշւած է եղել տիրապետող թուրք տարրից, և միշտ մտածում է եղել մի ելք գտնելու իւր դրութիւնը բարւոյնելու համար և ալ ժամանականից դեռ սովորութիւն է արած եղել զնալ հեռու տեղեր գլուխ պահելու: Եւ կամաց կամաց հալի մէջ կաղմել է մի տեսակ ձեռնարկու ոգի և բնաւորութիւն, աւելի, քան իւր հարեան թուրքի մէջ, որը միշտ աւելի լաւ դրութեան մէջ լինելով, չնորհիւ պարսիկ կառավարութեան տեղեկներական վերաբերման, սովորել է համեմատաբար աւելի զանդաղկոտութեան և ծուլութեան: Եթէ թուրքին չէր աջողւում եղել մի բան, նորա համար դժուար չէր լինում նոյնը լրացնել լափշտակելով: Բայց ալֆմ, երբ նորա տիրապետող ուժը թուլացել է, և լափշտակելով ու կողոպուտով նա էլ չի կարող ապրել, իսկ տնտեսական գրութիւնը քայքայւում է, նա ևս իւր պարուստը պահպանելու համար ստիպւած է զնալ պղնձահանքերը, նաֆթահորերը և գործարանները և աւելի հեռուն: Զանգեաղուր զաւառի Ղափան մահալի գիւղացիք դնում են մօտիկ Հալիժորի, Կաւարթի և ալ պղնձահանքերում աշխատելու, և եթէ չէր սխալւում իմ ծանօթը, որը հանքում ծառաւողներինքն էր, մշակների կէսը թուրքեր հն: Նոյցա մէջ էլ տնտեսական դրութեան վատանալը սովորութիւն է գցում պանդխտանալը...

Մեր կարծիքով թուրքերի քիչ պանդխտանալու պատճառը ընդհանրապես դրուժեան համեմատաբար լաուժիւնն է, բնաւորութեան դանդաղ-կոտուրիւնը և ծուլութիւնը և վերջապէս պանդխտանալու սովորութեան չը լինելը: Աշանը գնացած պանդուխտների մի մեծ մասը մնում են գիւղից դուրս մինչև իրանց հունձի սկսւելը. չուլիսի մէկից առհասարակ պղնձագործարանները փակւում են մշակ չունենալու պատճառով: Շարուր-Դարալաքեաղ գաւառի (գլխաւորապէս Դարալաքեաղ) տղամարդկանց 10%-ը գաշտի աշխատանքը աւարտելուց լետով՝ գնում են աշխատանքի Նրևան, Նախիջևան, Գանձակ, Թիֆլիս, իսկ ով երկրագործութեամբ չի պարապում ¹⁾, գարնանը, ամառը և աշանը վարձւում է իւր հարուստ հարկանների մօտ բանոր ²⁾:

1) «Ով երկրադործուծեամբ չի պարապումս նախադասուծիւնը պիտի հասկա-
նալ՝ ով հոգւ վար ու ցանք չունի մեքով»:

²⁾ Материалы для изуч. экон. быта госуд. прест. IV—ч. 2. Северо-западной части Шарура и восточ. часть Даралагеза. III.—Д. узяд.—изсл. А. В. Паряидяного.

Մենք շատ անգամ պատահել ենք դարձանք բազմաթիւ մշակներին, բարձր սար գիւղերից, որ ձմեռը Բագու են անցկացրել և դառնում են եղել հայրենիք, Եւ ինչ էք կարծում՝ երբ են նոքա իրանց գիւղը հասնում։ Նոքա սկսում են դաշտ-տափարակից (արան) հնձուր վարձաժ, և հնձելով հնձելով՝ կամաց կամաց բարձրանում են լեռները և հասնում են իրանց գիւղը ալն ժամանակ, երբ իրանց գիւղի հունձը նոր սկսում է։ Այդ հնձուր-ներին լեռներ բարձրանալը տեղում է 1—2 ամիս... ¹⁾ Բացի սա, լեռնալին գիւղերից, տափարակի հունձը սկսւելուն պէս, Շուշու և Զաքարալի գիւղացիք թողնում են իրանց տնտեսութիւնը և գնում են դաշտ տափարակը աշխատելու. ²⁾ Աբարանի և շրջակայ լեռնացիները, գարունը սկսւելուն պէս, գնում են մշակութեան Արարատեան տափարակը, և նոյնպէս Նրեան քաղաքը՝ մօտ մի ամսով ալգիներ փորելու, ստանալով օրական 30—40 կոպ. և երբեմն 50 կ. իրանց հացով. իսկ ամառը 6—10 օրով հունձի՝ ստանալով օրավարձ 80—1 ր. 20 կ. և կերակուր։ Այդ կարողանում են անել նորա շնորհիւ, որ գարնանը գիւղացին գործ շատ չունի և նա կարող է տունը թողնել. նոյնը նա անկարող է անել ամառը, իրանց հնձի ժամանակ, երբ մինչև անգամ գիւղացին հնձուրներ է վարձում և ալդ ոչ թէ նորա համար, որ նորա ցանքը ալնքան շատ է, որ ինքը մէնակ իւր ընտանիքով անկարող է վերջացնել, ոչ, այլ ալդ պահանջում է երկրագործութեան մի անկարմարութիւնը, որ գիւղացին չի կարող երկար արտը չը հնձաժ թողնել, որովհետև հատիկները կը թափւեն, և երկրորդ՝ հարուստ գիւղացիները իրանց հունձը աւարտելուց լետոյ (հնձուրների օգնութեամբ), առհասարակ արձակում են տաւարը խոզանը արածելու, առանց ուշք դարձնելու թէ աղքատների արտը հնձաժ է թէ ոչ. այս հանգամանքը հարկադրում է աղքատներին էլ հնձուրներ վարձել և իրանց հարևանների հետ միասին հունձը վերջացնել ³⁾։

Այս մեր վերև փշածից պարզ է, որ առաջինը՝ պանդխտութեան գնում են լեռնացիները, իրանց երկրի տեղագրական դիրքի և տանու արհեստագիտութեան բացակայութեան պատճառներով. նոքա գնում են պանդխտութեան կարճ ժամանակով, և նոքա աշխատանքը լինում է իբր մի օժանդակ նոքա մշտական գործին՝ երկրագործութեան. գնում են աշնանը և դառնում ամառը կամ գարնանը։ Այս տեսակ պանդխտներին պիտի ի նկատի ունենալ և զանազանել ալն պանդխտներից, որոնք գնում են աւելի երկար

¹⁾ Մեզ յայտնի է, որ մեր երկրերը, Թէպէտ գտնւում է բաւարար կլիմայում, բայց նորա զանազան մասերը, զանազան կլիմաների են, մի օրւայ մէջ մեզնում տրօպիկական տաքերից կարող էք անցնել սառնամանիք մասերը, որտեղ մշտական, ձիւն և մշուշ է թագաւորում. դորա համար էլ մեր հունձը միաժամանակ չի սկսւում. Սալեանի և ուրիշ տաք կողմերում հունձը սկսւում է մայիսին, իսկ լեռներում տեղում է մինչև հունձի ժամանակը և օգոստոսի առաջին կէտը։

²⁾ Исаажд. Шугин. и Джебр. усад. — Деконский.

³⁾ Сводъ матеріаловъ, X. А. Вермишевъ, т. IV ч. I ст. 458.

ժամանակով, և որոնց գնալու պատճառը միայն այդ չէ, ինչ-որ կարճատև պանդխտութեանը, այլ ուրիշ աւելի լուրջ պատճառներ, ինչպէս այդ երկու տեսակ պանդխտները տարբերուած են ժամանակի մեծութեամբ, նոյնպէս տարբերուած են նոքա և իրանց պարապմունքներով. կարճատև պանդխտութեան գնացողը իւր համար անկարմար է համարուած բեռնակրութեամբ և նորա նման բաներով պարապել, մինչդեռ երկարատև պանդխտները պիտաւոր պարապմունքը բեռնակրութիւնն է և լսող այն պաշտօնները, որին ալնքան սիրահար է կարճատև պանդխտը...

Պանդուխտների վարած պաշտօնները լինում են դործարաններում մշակութիւն, քարանսարաններում և բաղարներում դիշերապահութիւն, սպլապանութիւն և ալն. կարճատև պանդխտութեան գնում են լաճախ կիսադաշտ և կիսալեռնային գիւղացիք, կամ աւելի ընդհանուր խօսքով՝ քիչից շատ ապահոված գիւղացիներ, ուրեմն ոչ շատ աղքատ գիւղացիները: Շամախու, Գեօղչալի, Շուշալ, Շարոպանի (Խմերեթի) և այլ գաւառների գիւղացիք, թէպէտ գնում են և երկարատև պանդխտութեան, բայց սոքա մեծ մասամբ պատկանում են կարճատև պանդուխտների խմբին, իսկ հակառակը ջանգնազուրի, Դարալագեագի, Նախիջևանի, Հաճէի (Խմերեթի) և այլ գաւառների գիւղացիք, — սոքա գլխաւորապէս պատկանում են շատ տարիներով մնացողներին և սոցա նշանաւոր պարապմունքը կազմում է բեռնակրութիւնը և լսող ուրիշ աշխատանքներ:

Այս մեր ասածից դեռ չը պիտի եզրակացնել, թէ դաշտ Խափարակի գիւղացիք չեն պանդխտանում. նոքա ևս մասնակցում են այդ շարժման, բայց ոչ այն չափով. ինչ լեռնային գիւղացիք, Դորա պատճառները շատ շատ են, որոնցից մի երկուսը վերև փշեցինք, իսկ մնացածների մասին կը խօսենք ներքև. Դաշտ—Խափարակցի պանդուխտների թիւը շատ չէ: Այդ տեսակները շատ են Նախիջևանի գաւառում, ուր հեռանալու գլխաւոր պատճառներից մէկը՝ ջրի պակասութիւնն է:

Այս բոլոր պատճառները, որ պանդխտութեան խնդրի ներկայ դրութեան մէջ շատ էլ մեծ դեր չեն խաղում, առաջ, այդ խնդրի ամենաէական գրդիչ պատճառներն էին, եթէ ի նկատի չ'առնենք պատահական պատճառներ՝ և ր ա շ տ ու թ իւ ռ ը ¹⁾ մ որ ե խ ը ²⁾ մ ու կ ը, կ ար կ ու տ ը, հ ե ղ ե ղ ը, 1879—80 թւականի ս տ վ ը, գ իւ ղ ա կ ա ն կ ու ի ռ ե ռ ը: ³⁾ Բայց մեր տնտեսական կեանքը զարգանալով առաջ է բերել և մի մեծ պատճառ, որը ընդհանուր անունով կոչւում է ս ա կ աւ ա հ ո ղ ու թ ե ա ն

¹⁾ Սաստիկ երաշուութիւնը շարունակ աղքատացել է նոր-Քայազդէի գաւառը:

²⁾ Այս 1890 թւականին մորեխը սըբել հնձել է ցանքսուրը ահագին տարածութեամբ, շատ տեղ էլ մնացածը կարկուտն է տարել:

³⁾ Տես. «Մուսիկի գանգատ». Ա. Ագապեան. հր. Տիգրան Ղոնդաղսագեանցի արտ. «Նոր-Դար»-ից 1890 թ.

խնդիր... Սակաւահողութեան խնդրի մէջ մտնում են շատ պատճառներ, որոնք գուցէ առանձին առանձին կարող էին մեծ դրդիչ հանգամանքներ համարել, ինչպէս անկանոն հողատիրութիւնը, ախինքն հողի սեպահականութեան անհաւասար դասաւորութիւնը հասարակութեան մէջ, գատաւին մշակութեան միջոցների և գործիքների անկատարելիութիւնը, գիւղական հարստահարութիւնները¹⁾ շարշիցեցերը, հարկերի, ակցիզի և ալ տուրքերի ծանրութիւնը, ճանապարհների և մօտիկ վաճառանոցների բացակայութիւնը և այլն...

Սակաւահողութիւն առաջ բերող հանգամանքները, բացի մեր լիշածը՝ ի հարկէ էլի շատ շատ կարող են լինել, ինչպէս հալկնոջ դերը, ազգագրական առանձնապատկութիւնները²⁾, բայց թէ դոքա և նոյնպէս դաշտալին մշակութեան ձևերի անկատարելիութիւնը և այլն կազմում են ալն տեսակ պատճառների, որ եղել են միշտ, բայց ալժմ աւելի գուցէ նկատելի են զարձել. բայց միւս պատճառները, ինչպէս հողալին անհաւասարութիւնը, գիւղական հարստահարութիւնը և այլն, քանի զնում զարգանում են և մեծ ծաւալ ընդունում, և գառնում ներկալ դրութեան մօտիկ պատճառներ:

Դառնանք ալժմ ալն երևութներին, որոնք առաջ են եկել աւելի ուշ և նպաստել են սակաւահողութեան զարգանալու արագութեան...

Հողի քանակութիւնը վերջին 20 տարաւ մէջ մնացել է նոյնը, ինչ որ էր առաջ, նահապետական մեծ, 40—50 և աւելի՝ անձերից բաղկացած ընտանիքները բաժանելով, բաժանել են իրանց հետ և իրանց հողը: Այդպիսով հողաբաժինները սկսել են փոքրանալ: Երկրորդ, չը նախած տնտեսական դրութեան վատանալուն՝ մեր երկրի ազգաբնակչութեան բազմանալու տոկոսը էլի շատ մեծ է... Երրորդ, վերջին ուսութուրքական պատերազմի ժամանակ, թէպէտ քիչ, բայց էլի գաղթողներ եղան մեր երկիրը և քանի-քանի ընտանիքներով զետեղեցան մեր գիւղերում: Այս բոլորի հետեանքը մէկ է՝ հողի քանակութիւնը չի փոխուում, իսկ ազգաբնակչութիւնը անդադար աւելանում է: Արքունական գիւղացիների տնտեսական դրութիւնը ուսումնասիրողների ասելով³⁾, մեր գիւղացիների հողաբաժինները բոլոր տեսակ հողերի, լարմար թէ անլարմար, դասաւորուում է հետեանալ կերպով, զանազան գաւառներում:

Ամեն մի ծուխ ունի՝

Շարուր Դարալագեագում. 20—25 դեսեատին

¹⁾ տես. Պ. Պառնշեանի «Հացի խնդիր», արտատպած «Փորձ» ամսադր. և «Յեցեր» արա. «Մուրճ»-ից 1889 թ.:

²⁾ «Մուրճ» № 6 1890.

³⁾ Շուշաւ և Զաբլայի զաւառի համար միայն լեռնային շերտի մասին է մեր խօսքը:

Ալեքսանդրապոլի գաւառում	15,42
Ջանդեազուրում	14,87
Շուշա՝ գաւառում	18,98
Ջարրապէլի գաւառում	10,91

} 1)

Եթէ համեմատելու լինենք այդ գաւառների գիւղացիների հողաբաժինները՝ կը տեսնենք, որ ամենամեծը գալիս է Շարուր-Դարալագեաղի գիւղացու բաժինը՝ 20 — 25, իսկ ամենափոքրը Ջարրապէլինը — 10,91 դես. բայց դորանից դեռ չի կարելի եզրակացնել թէ Շարուր-Դարալագեաղցին պիտի աւելի լաւ ապրում լինի քան Ջարրապէլցին։ Ընդհանուր հողի բաժինը, քանակութիւնը դեռ չի որոշում ժողովուրդի բարեկեցեացը։ Այդ կախած է նորանից, թէ մեր երկրի ալս կամ ալն մասի հողերը, որքան չարմարութիւններ և ապահովութիւն են տալիս գիւղացուն։ Ժողովրդի բնակչութեան խտութիւնը միայն բաւական չէ բարօրութեան հարցը վճռելու համար։ Իշխան վասիլչիկովի բերած թւերից ²⁾ երեւում է, որ թէպէտև Բելգիան և Հոլանդիան ամենախիտ բնակեցրած երկիրներն են, համեմատաբար առած Անգլիայի, Գերմանիայի հետ և ալլն, սակայն այդ երկու երկիրներից զաղթականութիւնը աւելի թույլ է, քան նոյն իսկ Անգլիայում և Գերմանիայում։ Դորա նով նա ապացուցում է, որ միայն երկրի ազգաբնակչութեան խտութիւնը չէ դեր կատարողը, այլ դիցուք՝ Անգլիայի համար ունեն նշանակութիւն նաև հողալին և սոցիալական խնդիրները, իսկ Գերմանիայի համար — միլիտարիզմը։

Մի քառակուսի մղոնի վերայ ապրում են Ռուսիայի

Կուրսկեան նահանգում	2100 մարդ
Նովոռոդեան նահանգում	1367 "
Չերնիգովեան նահանգում	1638 "
Իսկ Օստրէլի նահանգներում	
Լիֆլանդեան նահանգում	1198 "
Կուրլանդեան "	1203 "
Էստլանդեան "	901 "

Թէպէտ և Օստրէլի նահանգները աղքատեցնելու լինելը աւելի նոսր է, քան Ռուսիայի միջին նահանգներինը, բայց գաղթականութիւնը աւելի մեծ է։ Այդ առաջ է դալիս հողի և հարստութեան անհաւասար բաժանման շնորհիւ։ Թէպէտ և միջին հաշուով գիւղացիները աչնտեղ աւելի հարուստ են քան Ռուսիայում, բայց և աչնտեղ բազմաթիւ է բանւորների և անհող գիւղացիների թիւը ³⁾...

1) Այսուհետև բոլոր իմ նիւթերս Շարուր-Դարալագեաղի մասին քաղած պիտի լինի Պարւեցիւն, Ալեքսանդրապոլի և Ջանդեազուրի — Ջելիսկու, Շուշայ և Ջարրապէլ գաւառների մասին Դեկոնսկու Հետադասութիւններից։

2) Князь А. Васильчиковъ — Землеустройство и земледѣліе въ Россіи и въ Европ. госуд. — 1881 г. изд. втор. томъ I.

3) Землеустройство и земледѣліе. — Князь А. Васильчиковъ.

Աւելորդ ենք համարում վկայութիւններ բերելու, պարզած լինելու համար, որ շատ անգամ անջքան ազգաբնակչութեան խտութիւնը չէ որոշում ժողովուրդի լաւ գործիւնը, որքան ան պայմանները, որոնք տալիս են դիւզացուն ապրելու լարմարութիւն. ղոքա են 1. երկրի տեղագրական և կլիմայական պայմանները, 2. հողի մշակութեան ձևը և ուժը, արդիւնաբերող նիւթերի ինչ լինելը, 3.—հողի կանոնաւոր կամ անկանոն բաժանւելը:

Մեր երկիրը լեռնաւիճ է և քարքարոտ, Հենց դորա շնորհիւ էլ մեծ քանակութեամբ անլարմար հողեր կան երկրագործութեան համար. այդ հողերը ներկայացնում են կամ վատ արօտներ կամ անջուր անապատներ, կամ բոլորովին անպէտք քարակոյտեր: Երկրի տեղագրական այդ պայմանների շնորհիւ, Զանգեզուր գաւառի հետազօտող Ստ. Զլինսկու ասելով, գիւղերը չեն կարողանում ընդարձակել և դորա պատճառով էլ մուլքերը մէկը միւսից հեռու հեռու են և բազմաթիւ: Նոյն է ասում Պարւիցկին Դարալագեազ գաւառի մասին, ուր արօտատեղերը շատ են, շնորհիւ նորան, որ երկրի տեղագրական պայմանները անկարելի են դարձնում երկրագործութեամբ պարապելը:

Անլարմար հողը կազմում է բոլոր հողի հետեւեալ մասը:

Շ.-Դարալագեազում. 58,16⁰/₀

Շուշաւ գաւառում 32,25⁰/₀

Զանգեզուր " 50,16⁰/₀

Զաքրաւիլ " 45,27⁰/₀

Ալեքսանդրապոլի գաւառում. 28,86⁰/₀

Իսկ այդու, ցանքի, արօտի և անտառի տեղերը կազմում են.

Շ.-Դարալագեազում. 41,34⁰/₀

Շուշաւ գաւառում 67,75⁰/₀

Զանգեզուրի " " 49,84⁰/₀

Զարրաւիլի " " 54,02⁰/₀

Ալեքսանդրապոլի " " 71,14⁰/₀

Այսպիսով Շ.-Դարալագեազի 20—25 դես. հողաբաժնից լարմար է. 10,46 դ.

Շուշաւ գաւառում . . . 18,89 " " " 12,84 "

Զանգեզուրի գաւառում. 14,87 " " " 7,81 "

Զաքրաւիլի " " 10,91 " " " 5,97 "

Ալեքսանդրապ. " " 15,42 " " " 10,91 "

Անլարմար հող, ինչքան ուղում էք, ունեցէք, նա համարեա ոչինչ չի աւելացնում, գլխաւորը՝ լարմար հողի քանակութիւնն է: Ա բանից ինչ դուրս եկաւ: Շ. Դարալագեազը, որ երևում էր ամենաշատ հող ունեցողը, համարեա սակաւահողներին է պատկանում, դեռ մեր վեր առած գաւառ-

Ներում ¹⁾ Ամենամեծ հողաբաժին՝ այս մեր առած դաւառներում ունի Շուշալ գաւառը, իսկ ամենափոքր չարմար հողաբաժին՝ Զարբայիւնը...

Բայց սորանից էլ դեռ բան չենք իմանում գիւղացու բարեկենցաղի մասին, քանի նորն ղեսեալինա հողը կարող է զանազան արդիւնք տալ. նալած թէ արդիւն աբերող նիւթը ինչ է. օրինակ մի դեսեալինան, որը ցանած է.

Բրինձ (Երեան. Նահ.)՝ տալիս. է	127,6	րուբ. արդիւնք.
Սիմինդր (Քութալիսի Նահանգ.)	130,58	"
խաղող (Ելիսաւետպօլի Նահ.)	158—335	ր. "
" Թիֆլիսի Նահ.	175—294	" "
" Երեանի Նահ.	100—161	" "
Յորեն—դեմի. ²⁾	34	
" Զրովի	57	

Ինչպէս որ 34-ը—100-ը—335-ը միենոյնը չեն, ալնպէս էլ միենոյնը չէ թէ գիւղացու ստացած հողաբաժինը ինչ տեսակին է պատկանում. գիւղացին մի ղեսեալին խաղողի ալգով կարող է առատ առատ ապրել, մինչդեռ 5 ղեսեալին դեմի ցորենի ցանքով չի կարող նորանից գոնէ քիչ վատ ապրել, ալ կ'ապրի աղքատ, որովհետեւ ամեն մի ղեսեալին խաղողի ալգուց գիւղացին կը ստանալ 7—8 անգամ աւելի արդիւնք, քան մի ղեսեալին ղէմի ցորենի արտից:

Հասկանալի է դառնում ալժմ, թէ ինչու Քութալիսի Նահանգի Շարոպան գաւառի գիւղացին, չը նալած, որ անհամեմատ քիչ հող ունի քան Ելիսաւետպօլի Նահանգինը. ալնուամենայնիւ աւելի լաւ է ապրում. վերմիչևի ասելով՝ Քութալիսի Նահանգի հողաբաժինը 5—7 անգամ աւելի քիչ է քան միացած Նահանգներինը. ³⁾ Այս կարճ դատողութիւնից երևում է, որ իսկապէս մեծ նշանակութիւն ունի արդիւնաբերող նիւթերի ինչ լինելը.

Այժմ մի խնդիր էլլի մնում է անվճիւռ. Մի ղեսեալին խաղողի ալգին զանազան աեղ զանազան արդիւնք կարող է ցոյց տալ. դա կախած է հողի մշակութեան ձևից և ուժից, ճանապարհներից, երկաթուղուց, վաճառանոցների հեռու կամ մօտիկ լինելուց. Որովհետեւ մեր երկրի շատ մասերում արհեստական պարարտացնելը չը կալ, ցանում են մշտական ճուղ բոլսերը, ուստի դորանից առաջ է դալիս հողի լողնելը, որ և արդէն դառել է մեծ խնդիր... Այլքսանդրապոլ գաւառի մասին օրինակ Գ. Տէր-Պետրոսեանը ասում է. ⁴⁾ հողը թէպէտ պտղաբեր է, բայց Ներիպումս չողնած,

¹⁾ Մենք այս գաւառները առել ենք իբր օրինակներ, Համաբելով միւսների պայմաններն էլ նոյնը. Բաբուլայ մշակների մեծ մասը Զանգազուր Դաւալագեաղ Շուշի, Զարբայիլ գաւառներէց են և այլն:

²⁾ Свод матеріал. изсл. Вермишева т. IV

³⁾ Свод. матер. т. IV.

⁴⁾ Труды общ. Сел. Хоз. № 11—1885 Причины безд. кр. Тер-Петросовъ.

ուժասպառ է եղած դաշտավրն մշակութեան անկատարելութեան շնորհիւ. իսկ բացի վերոյիշեալից մեզանում հողը մշակում է անդրձրհեղեղեան ձևով, միայն մի քանի տեղ մտցրած են եւրոպական և տեղալին հանգամանքներին չարմար երկրագործիքներ...

Վերջապէս խօսենք մեր նկատած երրորդ ակն կէտի մասին՝ թէ հողը կանոնաւոր է դասաւորւած հասարակութեան մէջ թէ ոչ:

Շատ անգամ եթէ հաշւելու լինենք մի նահանգի, գաւառի, գիւղի հէնց թէկուզ չարմար հողի քանակութիւնը և բաժանելու լինենք գորանմշակող գիւղացիների թւի վերաջ կը ստանանք ամեն մի գիւղացու համար ակնքան մեծ հողաբաժին, որ կը թւայ, թէ այդ քանակութեամբ գիւղացին կարող կը լինէր միջակ ապրել. բայց փորձը հակառակն է ցույց տալիս.— մի գիւղում 10 դասեատին հող ունեցողի հարևանը՝ 1, 1/2 դես. ունի՝ կամ ամենին հող չունի. Այս բանը թէն աւելի աչքի է ընկնում սեպհականատէր հասարակութիւնների մէջ, բայց մեր համայնական հողատիրութիւնը դորանից զերծ չէ. Չը նալած այս բանին առ ալժմ ուրիշ միջոց չունենք արդիւնքը հաշւելու, իմանալու, քան համայնքի միջին մեծութեան հողաբաժնի վերաջ մեր ուշքը դարցնելով, ամեն տեսակ մշակութեան համար առանձին առանձին (խաղողի, բրնձի, ցորենի և այլն). Այս բոլոր խորհրդածութիւններից փտով պարզ է, որ գիւղացու բարօրութիւնը հասկանալու համար հարկաւոր է հաշւել նորա մի տարաւալ հողաբաժնից ստացած արդիւնքը, հաշւել իւր մշակութեան և իւր անհրաժեշտ ծախքը և տեսնել, որքան ապահովել կարող է հողը. Մեր խնդրի համար նշանակութիւն ունի հացահատիկներից ստացւած արդիւնքը, որովհետև ինչպէս և վերև նկատեցինք, պանդխտութեան գնացողները գլխաւորապէս լեռնակն գիւղացիներն են, որոնք թէ կլիմայական և թէ տեղադրական պատճառներով, չեն կարող դաշտ-տափարակցու նման խաղողի, բամբակի, բրնձի մշակութեամբ պարապել. Դաշտ-տափարակցիք չեն կաղմում մեր պանդուխտների գլխաւոր մասը, այլ նոքա միայն լեռնցի-երկարատև պանդուխտների թւի վերաջ մի թիւ են աւելացնում. Սակաւահողութիւնը մեր ասած մտքով գաշտ-տափարակցիներին շատ չէ վերաբերում: